

新疆建置志

明倫彙編

新疆建置志卷三

醴泉宋伯魯芝田撰

溫宿府故阿克蘇回城

北極高四十一度九分距京師偏西三十七度十五分夏至晝長六

十刻夜長三十六刻冬至晝長三十六刻夜長六十刻午正日景夏至長三尺一寸九分冬至長二丈一尺零九分

春秋分長八尺七寸四分與阿克蘇道同治漢爲姑墨國

西域圖志西域水道記西

域圖考皆言阿克蘇者漢溫宿國也又云漢姑墨國在雅哈阿里克李光庭謂在哈喇裕勒滾徐松云在拜城滴水

崖今攷兩漢書西域傳及兩唐書地理志西域傳等書乃知阿克蘇實漢之姑墨國而溫宿國卽烏什也一徵之道

里漢書西域傳曰姑墨國東通龜茲六百七十里溫宿國西至尉頭三百里東通姑墨二百七十里大唐西域記曰

龜茲會場西北渡河至阿奢理貳伽藍從此西行六百餘里經小沙磧至跋祿迦舊謂姑墨又曰亟墨新唐書西域

傳曰自龜茲贏六百里踰小沙磧有跋祿迦小國一曰亟墨卽漢姑墨國今據西域圖志由庫車至阿克蘇七百里

莎車行記以爲六百五十里又據西域圖志由阿克蘇至烏什二百五十里皆與漢書唐書符合若以溫宿爲阿克蘇則不免自相矛盾矣一徵之國勢前漢書曰姑墨國戶三千五百口二萬四千五百勝兵四千五百人溫宿國戶二千二百口八千四百勝兵千五百人西域記跋祿迦國東西六百餘里南北三百餘里國大都城周五六里伽藍數十所僧徒千餘人今案跋祿迦卽姑墨國雅哈阿里克等處皆窮山曠野無人之區姑墨大國不應宅此且東西六百餘里庫車阿克蘇之間何能容之且阿克蘇古稱沃壤水道縱橫桑穀滿野若溫宿在阿克蘇蘇其戶口豈反出姑墨下耶前書曰姑墨南至于闐馬行十五日于闐今和闐也北史曰疏勒國在姑默西默卽墨傳寫誤也賈耽四夷路程云撥換城一曰威戎城曰姑墨州下注撥換達于闐及疏勒之路五代時大食國伊底里錫亦云由撥換至和闐十四日程由撥換至喀什亦十四日程今按以上咸明指阿克蘇達喀什及和闐之路與今日正相符合且路旁時見廢寺古塔往往土中獲佛像法博士伯希和自言得佛像幾箱設溫宿在阿克蘇則賈耽何以不計此古道而反詳雅哈阿里克等處達和闐及喀什今無古無之戈壁道有此理乎一徵之水道及方言水經注曰北河又東

逕溫宿國南又東逕姑墨國南姑墨川注之姑墨川者今
阿克蘇河也其水由姑墨西北歷赤沙山東南流逕姑墨
國西又東南流右注北波河又東經龜茲國南賈耽四夷
路程曰姑墨州南臨思渾河李光庭曰思字疑衍又曰今
阿克蘇河也西北渡撥換河卽姑墨川爲阿克蘇河上流
又云中河距思渾河百二十里至小石城又二十里至于
闐境之胡蘆河又六十里至大石城一曰于祝曰溫肅州
又曰自撥換碎葉西南渡渾河百八十里有濟濁館云云
伊底理錫亦云撥換城近河此河東流河岸皆耕種饒地
今按雅哈阿里克及哈喇裕勒袞南有橫山塔里木在其
南姑墨水決不能入而滴水崖西雖有阿爾巴特河亦伏
於沙不入大河此爲徐君臆斷未可信也賈耽撥換河明
爲阿克蘇河上流胡蘆河自西北來入之始名渾河卽阿
克蘇河下流胡蘆河卽今之托什干河一名托拉爾特河
以今路校之阿克蘇實在阿克蘇河之東由阿克蘇西南渡
阿克蘇河上流又渡托什干河至烏什由阿克蘇西南渡
沙曰姑阿今多作呼木譯音與賈耽方向水道正合回語謂
度字彙跋祿迦者亦沙也按唐人引新疆地名頗用梵文
如阿耆尼俱毗羅之類今阿克蘇河上流尚名呼木阿里

克阿里克者回語水渾也渾亦是姑墨呼木之別轉阿克
蘇河下流尚有渾巴什莊渾即沙巴什即頭也元史已載
之曰渾入升城又可證當日姑墨本因沙得名也一徵之
烏什新唐書地理志載河西內屬諸胡州曰烏壘州和墨
州溫府州蔚頭州遍城州耀建州寅度州豬拔州達滿州
蒲順州郅及滿州乞乍州嬌塞都督府渠黎都督府按此
文烏壘渠黎嬌塞咸沿漢時古號和墨即姑墨宿府即溫
宿達滿州寅度州郅及滿州即賈耽達滿城演渡州郅支
達城蒲順即蒲類蔚頭即尉頭皆傳寫之誤賈耽曰自撥
換西南渡渾河至據史德城按舊唐書高仙芝傳有握瑟
德城握字即掘字傳寫之誤與賈耽據史德合一曰鬱頭
州在赤河北岸鬱頭尉頭亦音一而字二赤河即喀什噶
爾河亦曰赫色勒河回語赫色勒者赤也即葱嶺北河即
水經注之北河故唐尉頭州當在今巴楚州左右今蘇木
塔什有破城疑即尉頭遺址西域圖志乃以烏什當之夫
烏什安能在喀什噶爾河上乎又大唐西域志賈耽四夷
路程杜環經行記皆詳述阿克蘇及烏什踰拔達嶺以達
熱海之道按拔達嶺一曰勃達嶺即今之畢底爾嶺漢西
域圖考以爲木素爾嶺此大誤又熱海或曰鹹海即今特
穆爾圖淖爾或曰圖斯庫爾或曰伊錫克庫兒回語庫兒

卽池圖斯卽鹽伊錫克卽熱也設尉頭在烏什豈舍其路
不載乃反載喀什之路乎賈耽又云溫宿一曰于祝溫宿
于祝皆烏什譯音之轉今以阿克蘇爲溫宿烏什爲尉頭
皆疏於考核耳按此說創自法人伯希和伯氏躬歷其境
故考核較詳今刪其蕪雜補其疏漏數百
年沿誤不啻撥雲見日故舍舊說從之
當服屬龜茲永

平中漢使班超屯疏勒龜茲王建數與姑墨攻疏勒章帝

初超發疏勒康居于闐拘彌兵攻姑墨石城破之而和帝

時姑墨溫肅隨龜茲降漢西域始平自魏至元魏皆役屬

龜茲其後卒爲龜茲所併唐太宗時貞觀十一年阿史那社爾

討龜茲王王走撥換城撥換卽姑墨按中宗景龍二年突

人出安西五千出撥換都護牛元獎死焉故唐常以重兵

屯拓厥關宋歐陽忞輿地廣記拓厥關在昆河水上有鐵

騎五千戍之其西五十里爲白馬渡路通瀚海軍白山南
有銅鐵廠爲冶鑄之所關城兩山壁立中峽深數百丈水

流其中日夜有聲人行北山巔俯視魄悸過大龍峪千佛洞踰嶺至突騎施沙雁州西至撥換城關距安西百里按古安西府在今庫唐平龜茲以姑墨爲姑墨州隸安西都車城南百四十里

護府其北爲跋祿迦小國漢姑墨舊國也宋南渡後屬西

遼元太祖時爲別失八里地以封宗王阿只吉

按明史西域傳別失

八里西域大國也南接于闐北連瓦剌西抵撒馬兒罕東抵火州或曰焉耆或曰龜茲元世祖時設宣尉司尋改元

帥府其後以諸王鎮之元史譯文證補元別失八里有二一在高麗北陶宗儀輟耕錄高麗以北名別失八里譯言

連五城也罪人流奴而干者必經此其地極寒海自八月卽冰明年四五月方解人行其上如平地征東行省每歲

委官至奴而干給散囚糧須用站車每車以四狗挽之按元史遼陽省有狗站卽此回語五爲別失城爲八里輟耕

錄之說不謬一在今之烏魯木齊元爲北庭都護府金有回鶻五城故名別失八里與輟耕錄義同元初屬畏吾兒

耶律楚材西游錄金山南有回鶻城名別石把邱長春西游記西至鼉思馬力大城回紇王部族勸葡萄酒海都亂

後高昌失地遂屬察合台後王朔方備乘合丹傳謂憲宗
遷合丹於別失八里卽今之哈喇沙爾何所據而言不得
其解按別失八里與別失把一曰鼈思馬力在西域自是
兩地而高麗不與焉一在天山北一在天山南也西遊錄
金山南有回鶻城名別失把有唐碑所謂瀚海軍也城南
五百里有和州卽唐之高昌西遊記鼈思馬力大城回紇
王部族勸葡萄酒列伎樂皆中州人侍坐者有僧道儒曰
此大唐北庭端府也云云按西遊錄之金山卽今之阿勒
台山其曰城南五百里爲高昌者蓋元之別石把卽唐之
北庭都護府今之迪化府東北境也迪化去高昌不遠高
昌用蒲萄釀酒故文獻通攷曰高昌國多蒲萄酒唐太宗
破高昌得其釀法故鼈思馬力亦得有蒲萄酒端府卽都
護府之合聲此自屬天山北之別石把與天山南之別失
八里無涉譯文證補疑朔方備乘誤在合兩地而一之也
按明史西域傳別失八里有焉耆龜茲之稱喀喇沙爾爲
古焉耆國故何氏云爾辛卯待行記謂別石把回鶻城在
天山北別失八里元帥府則天山南之喀喇沙爾二地同
名斯得之矣至引歐陽元高昌契氏家傳云北庭者今之
別失八里城則似傳寫之明永樂中其酋歪思西遷其地
誤而不必強爲附會者也

遂為回部與烏什葉爾羌喀什噶爾號四大回城清興其

地內屬

乾隆二十三年大兵既克庫車阿克蘇回衆逐逆酋霍集占所置伯克以降初置溫宿州後升為府

居南疆之中泉甘而氣和形勢便利

按左宗棠議開省即有總督駐迪化巡撫

駐阿克蘇之議

其界東至沙雅爾南至和闐西至柯坪北至溫宿

縣皆其屬也

東西三百九十里南北六百六十里

凡三鄉有莊十二曰曲垣

城東

曰柯柯巴什

城東六十里

曰麻帕下

城東七十里

曰哈拉塔

城東

百四

曰賽里木

城西四十里

曰阿音柯

城西八十里

曰薩依里克

城西

一百

曰渾巴什

城南七十里

曰伯什勒克

城南八十里

曰阿瓦提

城南

百六

曰玉琢滿

城南百十里

曰羊瓦里克

城南百九十里按西域圖志阿克蘇屬地三十

九曰雅哈阿里克城東二百八十里為最東界新疆識略作銅廠雅哈里克曰哈喇裕勒袞城東一百八十里曰札

木城東一百里曰赫色勒城東九十里阿克蘇郭勒北二十里曰哈爾噶額密什城北二十里北距木素爾鄂拉六十里曰帕爾滿城東五十里阿克蘇郭勒北二十里一統志作帕爾漢新疆識略作帕爾漫曰雅爾巴什城東六十里阿克蘇郭勒北二十里曰齊托克喇克城東南百四十里阿克蘇郭勒北二十里曰亮格爾城東北百六十里地居山谷間曰雅爾賽喇木城東南百六十里地居山谷間一統志無新疆識略作雅賽里阿木城西二十五里至四十里不等當別是一處曰伊勒噶齊城東北六十里地居山谷間曰額格爾齊城南十里阿克蘇郭勒北六十里地居勒喀勒城東南七十里阿克蘇郭勒南五里一統志作喀勒喀克曰科布魯克城東南八十里托什干達里雅北十里里曰庫木巴什城東南九十里托什干達里雅北十五里新疆識略作渾巴什曰伯什阿里克城東南一百十里托什干達里雅北二十里新疆識略作伯什愛里克曰和卓巴斯喀什城東南百二十里阿克蘇郭勒南十里曰呼木什阿里克城東南百五十里托什干達里雅北二十里曰哈喇塔勒城東南二百五十里托什干達里雅北五里新疆識略作哈喇塔爾曰烏珠瑪城東南百八十里托什干達里雅西南五里一統志作烏銖木曰托來城東南百六十里

托什干達里雅南五里一統志無曰英額阿里克城東南
百五十里托什干達里雅西南十里一統志無新疆識略
作洋阿里克曰賽阿里克城東南一百十里托什干達里
雅南五里一統志無曰哈喇木克齊城西南四十里踰兩
河而至一統志無曰薩克薩克城西南八十里托什干達
里雅南三里一統志無曰托布坎城西十里介居兩河之
間一統志無曰得布特爾城城西四十里托什干達里雅北
十里一統志無曰鄂喇齊城城西六十里托什干達里雅北
十里一統志無曰阿喇勒城城西六十里介兩河之間一統
志無新疆識略作阿喇爾距城四十里至一百二十里不
等曰愛呼爾城城西五十里東傍呼木阿里克郭勒一統志
無曰超達爾城西北六十里踰呼木阿里克郭勒而至曰
韋特爾城東北八十里呼木阿里克郭勒南十里一統
志無曰察克喇克城城西七十里托什干達里雅東北八十
里一統志無曰吐爾伯特城西八十里托什干達里雅北
十里一統志無曰拜林城西一百里托什干達里雅北十
八里一統志無曰阿克雅爾城西南一百十里托什干達
里雅南十里一統志無新疆識略作阿哈雅爾距城一百
三十里至一百六十里不等曰伯列克里克城西南二百
里西境倚山一統志無曰納喇奇恰特城西南二百四十

里南臨大山一統志無曰哲爾格哲得克在阿克雅爾西
五十里一統志無一統志阿克蘇屬地二十一較西域圖
志省十八新疆識略阿克蘇所屬回莊二十二在城東者
八曰哈爾哈密什距城五里至三十里不等曰依列克距
城二十里至四十里不等曰帕爾慢距城四十里至七十
里不等曰黑子爾距城七十里至一百里不等曰銅廠雅
哈里克距城二百六十里曰溫巴什距城三百二十里曰
諾依古特距城二百九十里至三百五十里不等係布魯
特曰雅爾幹距城三百里係燕齊回子在城南者九曰渾
巴什距城六十里至一百六十里不等曰愛柯爾距城百
二十里至百三十里不等曰伯什愛里克距城七十里至
百六十里不等曰薩雅里克距城百三十五里曰洋阿里
克距城百四十里至百七十里不等曰哈喇塔爾距城百
六十里至二百里不等曰伯斯圖距城百八十九里不等
曰柯爾品距城百四十里至三百六十里不等今置柯坪
縣丞曰亢齊距城百三十里在城西者三曰雅爾塞里木
距城二十五里至四十里不等曰阿拉爾距城四十里至
百二十里不等曰阿哈雅爾距城百三十里至一百六十
里不等在城北者二曰達巴罕齊距城二百八十里至
三百三十里不等曰鐵廠距城二百三四十里不等其

民雜居三種纏回為地著

九萬七千人纏俗大小皆祝髮女子縵髮垂後綴以珊瑚瑟瑟

首覆巾自項背至地男服圓襟狹袂敞其前類歐西履皆以革詳見禮俗志

其人劬於農秉耒

者二萬餘戶稻米之肥甲於諸部其西南

百十里為

柯坪柯坪故柯爾坪回莊

北極出地四十度距京師偏西三十八度舊隸溫宿州其後溫

宿升為府析阿磧齊蘭台等處隸柯坪別置縣丞

其界東至溫宿南至巴楚州西

至布魯特北至烏什皆其屬也

東西一百六十里南北三百七十里統回莊

十二曰哈拉去

城東南里數闕

曰拖末

城東南

曰玉奇

城東

曰阿拉

馬

城東

曰雙拉拉

城東

曰枯木勒

城東北以上為上六莊

曰蓋即

城西南

曰

拔筭

城西南

曰枯木洛

城西南

曰卡協勒

城西南

曰巴格勒

城西南

曰卡拉馬

城西南以上為下六莊

曰阿磧

城東一百里

曰齊蘭台

城東一百八十里

里地產小麥青稞杏棗瓜朽其民多力農圃務數牧與溫

宿同俗府治北三十里爲溫宿縣其界東至拜城鄉土志城東二

百里有地曰托和拉旦卽鹽水溝南至府城城南三十里

拜城界也多沙磧有河二海子一隴曰毛陸拉者府北界也中城西一百十里有

間由卡坡經過約二十里西至烏什卡曰唐雅阿奇者

烏什界也所過多沃野平疇稻麥草木北至伊犁城北六

蕃盛中有河一夏秋水漲有舟渡人畜里者地曰噶克察哈爾者伊犁界也多達坂高岡峻嶺四

時積雪不消林木暢茂獸多野牛山羊獺鹿藥草多黃連

紫草麻黃甘草夏皆其屬也東西若干里轄大回莊九曰

依拉克城東九曰伴爾滿城東八曰黑子爾城東一曰阿

吉里克城東一百曰哈哈密城南四曰鵝斯堂不一城

一百二曰雅賑嶺城南七曰阿拉城西一百曰賽立木城北

新疆建置志卷三

九十城東一百六十里有地曰哈喇玉爾滾卽東漢姑墨

國地唐之跋祿迦國也

按姑墨魏書作姑默唐書自龜茲贏六百里踰小沙磧有跋祿迦小

國一曰亟墨卽漢姑墨國唐西域記跋祿迦國都城周五六里是也以今道里考之其國都尚在今哈喇玉爾滾之

東滴水崖銅廠之西小沙磧卽察齊克沙梁也回城殷富有市列纏民九萬餘牛

羊馬之革西輸俄羅斯

鄉土志光緒三十二年牛皮五千三百斤馬皮一千五十斤羊皮五

萬九

百斤羊毳西南貿英吉利

三十二年六萬四千斤

染氎旄旃東賈迪

化三十二年三

千五百斤而俄商自其國運藻布及纏民所服用磁

髹雜器一歲所獲常倍其直南疆一大市場也玉爾滾出

銅城北出鹽鐵出煤其鹽甚潔白故取之者衆郡王哈的

爾者纏族也其先霍集斯以擒達瓦齊有功復從征西四

城累封至貝勒加郡王銜四傳至邁瑪第敏無嗣光緒中始物色糸出邁瑪第敏之哈的爾者襲焉今所稱回王者

也其東二百里至拜城拜城故拜賽喇木

北極高四十一度四十一分距

京師偏西三十五度十二分夏至晝長六十分夜長三十五刻十三分冬至晝長三十五刻十三分夜長六十分二分午正日景夏至長三尺二寸九分冬至長二丈一尺六寸一分春秋分長八尺九寸漢爲姑墨

國地

按鄉土志以拜城爲姑墨烏壘兩國地姑墨說見上烏壘在今焉耆府策特爾地去此二千餘里漢書明

言溫宿東至都護治所二千三百八十里安得以拜城當之

唐爲阿悉言城其東百里

有城唐之俱毗羅城也

按西域圖志拜城作拜俱毗羅作賽里木後并於龜茲

清乾隆中內屬

初乾隆中全疆底定設伯克以下官凡四百餘而拜賽兩城屬於阿克蘇辦事大臣

光緒初回疆大定乃罷辦事及其界東至達坂巴尼南至伯克尋併兩城爲縣屬溫宿府